

محرار

افہرقي ، اجتماعي ، فلسفي ، تاريخي ، ادبي مجموعہ در
شیمدیلک اون بش کوندہ نشر اولنور

مندرجات

- سرور . **جببفس جباب جبر** محمد امین **جباب**
 قازیمیریسکینک فرانسزجہ قرآن ترجمہ سندہ کی قرق قدر یا کلشارک تصحیحی . . . محمد جمیل **جباب**
 ترجمہ لر حقندہ ایضاحات رشید **جباب**
 علم دشمنلخی حسن عالی **جباب**
 اورتا آسیادہ تورکمن « تورکمنلرک دینی » علمی ضیاء **جباب**
 حی بن یقظان « ابن طفیل » رشید **جباب**
 سراب : قدریہ حسین : شرقی : ملیحہ نوری — معبد عشق : محی الدین رائف — سیران **جباب**
 طاہر حریمی — لیلانک ایزلرندہ : شرف کاظم — تہلکہ : مراد توفیق — گیرہ سوندہ شایان **جباب**
 امثال بر فعالیت .

سیرانه

پیرداشم فانی دده حضرتلرینه

کاه بال اولدق کوثر نهرندن آقدق
کاهیجه دال اولوب طوبی دن صارقدق
آدمی ، حوایی عرفدن طارتدق
حرفله لذتسز معنا سچیلیرمی ؟

دهری سیر ایدوب سرسری دولاندق
جانی ویروب عشق شرایله قاندق
[حق] دیوب ناره عمانده دالدق
درویشه ! چله سز دستور ویریلیرمی ؟

روز کارلر اُسدی اقلیم بقادن
میلر صوندی ساقی جام صفادن
نیلر ایکلیورکن فصل صبادن
کناردن مخمور بویله چکیلیرمی ؟

نه دابرلر قوقلادق بز عشق باغندن
شفقلمر سوکشدی رخ شبابندن
کونش طوتوشدی جذب غرامندن
صوفی ! وردک بوراده چکیلیرمی ؟

ادرمید - بالچی زاده : طاهره ربی

زورق خیالی صالدک انکینه
بو بحرك اوجنه هیچ اریلمی ؟
جهانی دولاشدک سیاح ، سن کینه :
خیالده سک ! ظلمته کیدیاییرمی ؟

وصلت اقلیمی کنیشدر دوشنه !
جانلر کیردی بو بزمک جنبشنه
باش کیدر دیورم صویک نوشنه
رهبرسز بودرکجه کیریلیرمی ؟

بز عشق باده سنی ایچدک فغفوردن
حکمتی اوقودق لوحه نوردن
موسی ایله ایندک ذروه طوردن
ای کوکل عیسی سزجان دیریلیرمی ؟

بیکارله جان ، جهان دور ایدوب کلدک
هرقبه ده باشقه بر صدا ویردک
مضرب طنپوره نغمه لر سردک
هیچده هنرسز فضله کلینیرمی ؟

ادبی

سراب

۴

هر صفحه حیاتک براق ریغی تأثیر - نه قدر سریع و فراری اولورسه اولسون - نفسندم
ینه مؤیدر . چونکه هر هانکی بر حالت ، مدت حکمی زائل اولدقدن صوکر ا کذرکا هندم
بر اثر براقیر . بونک ایچون حیات شعور دن عبارتدر ؛ شعور ایسه اک کوچک بر انطباعی
ایجابنده استعمال ایتک ایچون ، حفظ ایتک فطرتنده در دینه نلره حق ویریرم .

اك خفيف بر تماس ، اك اوفق بر سوز اك سريع بر نظر واك سطحی بر تأثر وقوع
و جریانی اعتباریله سرمدیدر . نهال اوتماسی ، نه قولا ق اوسوزی ، نه نظر اوتماشایی نه ده
کوکل اوتأثری تمامیه غائب ایدم من .

انسان طویدیغی تأثیرلری زمانه کرچه اونوتابیلیر ، فقط اوتأثرلرک دماغده براقدیغی
معنوی ایزی هیچ بر وجهله سیله من .

وقوع بولمش بر وقعنهك کلوب کچمه سندن حاصل اولان حال ، هیچ عینی وقعنهك
قبل الوقوعده موجود و محسوس اولان حاله بکزه بیلیرمی ؟

هانکی چیچک ، کبکک تماسی یاپراغک اوستندن ازاله ایله بیلیر ؟ بر آن ایچون
قفسه قبانان بلبک حیات سربستیسندن اوبرساعتک اسارتی کیدرمک قابل اولورمی ؟
ایشیدیلن بر نغمه دن طویولان ذوق عمیق ، سهویلن بر قلبک بخشایتدیکی مستی وجوشش ،
لوحه شعورده مؤیداً حک اولونمش بر یادکار پرشرف دکلیدر ؟

حیاتک هر صفحه و وقعهمی زوال و مروره محکومدر ، فقط اوصفحهك زوالندن
و او وقعنهك مرورندن حاصل اولان حال و تأثیر بر ابدیت حصوله کتیرر .

۵

غریبدرکه دماغ بشرده ازلدنبرو تخم حالده قالمش حسیات غیر معلومه واردر .
انسان ، حیات آسوده کیسنده بو حسلرک موجودیتندن خبردار دکلدر . بیوک بر فورطنه یه
معروض اولنجه حجیرات دماغه سنده صورت مخفیده بوزولوب قالمش اولان بو تخمیر ،
باران یأسک فیضانیله آچیلوب باش ویرمهک باشلار و آهسته آهسته فیلزلوب اظهار شکل
ورنک ایلرلر .

حجیرات دماغه منبت و یاخود عقیم اراضی کی در . اکر طوپراق برکتلی ایسه نشوونما
بولان تخمیر بهمه حال کوزل قوقولی ، لطیف رنگلی چیچکلر وجوده کتیررلر . شاید
باش ویرن تخمیر چوراق بر یرک محصولی ایسه اووقت فلاکت یا غمورینک سیلانیله
وجوده کلن تازه اوتلر سمنک و مضر نباتاتدن عبارت قالیرلر .

فقط هر قاعدهك بر مستثناسی اولدیغی کی بعضاً اك فیضلی بر طوپراغک محصولی
زهرلی چیچکلر واك عقیم بر یرک فدائی نادیده کلر آچار ، چونکه دماغ بشر بر اجتماعگاه
تضاددر . نورایله مملو بر باشك اك بارز حجیره سی لبریز ظلمت اولابیلهدیکی کی علویت ایله
دنائتک نقطه اتصالی عینی دماغک عمقده بولنه بیلیر .